

Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

CONVENIO DE COLABORACIÓN ENTRE O CONCELLO DE BETANZOS E A "ASOCIACIÓN PRO ENFERMOS MENTALES DE LA CORUÑA" (APEM), PARA O FINANCIAMENTO DAS ACTIVIDADES DO 2023.

EXP.: 2024/A008/000022

REUNIDOS

Dunha parte, dona María Barral Varela, DNI núm. _____, alcaldesa do Concello de Betanzos, en nome e representación do concello, en virtude das facultades que lle atribúe o artigo 21.1 b da Lei 7/1985, do 2 de abril, reguladora das bases de réxime local.

Doutra parte, dona Antonia M^a Eugenia Pérez Amieiro, DNI núm. _____, na súa calidade de presidenta da "Asociación Pro Enfermos Mentales de La Coruña" (APEM), con CIF nº G15034176, con domicilio na cidade da Coruña, Plaza de los Chopos, Bloque 22 - nº 17, en nome e representación da dita entidade.

MANIFESTAN


- I. Que o Concello de Betanzos, de acordo co previsto na Lei 38/2003, do 17 de novembro, xeral de subvencións (en diante, LXS) e na Lei 9/2007, do 13 de xuño, de subvencións de Galicia (en diante, LSG), pode conceder de forma directa, as subvencións nas que se acrediten razóns de interese público, social ou económico, ou outras debidamente xustificadas que dificulten a súa convocatoria pública.
- II. Que ambas partes teñen plena capacidade e lexitimidade para formalizar este convenio.
- III. Que o obxectivo deste convenio é colaborar coa "Asociación Pro Enfermos Mentales de la Coruña" (APEM), para o mantemento dos servizos e actividades desenroladas no ano 2023.
- IV. Que a entidade beneficiaria arriba referenciada ten como obxecto social:
 - Proporcionar información, orientación e asesoramento ás persoas con enfermidade mental e ao seu entorno familiar.
 - Fomentar o contacto e apoio solidario entre os familiares, así como prestarlles asistencia psicolóxica e moral.
 - Conseguir a máxima atención sanitaria e social para as persoas con enfermidade mental e os seus familiares, instando ás institucións a creación de servizos en materia preventiva, sanitaria, asistencial, de rehabilitación e residencial.
 - Sensibilizar ás institucións e entidades, así como á opinión pública, en relación coa problemática da enfermidade mental, potenciando a súa aceptación social no camiño da integración das persoas con enfermidade mental e a protección dos seus dereitos.
 - Potenciar a creación de servizos propios, ou en colaboración con outras entidades, destinados á recuperación e rehabilitación das persoas con enfermidade mental, así como a súa integración social e laboral.
 - Potenciar a creación de servizos propios, ou en colaboración con outras entidades destinados a cubrir as necesidades en materia de vivenda alternativa para persoas con enfermidade mental, así como desenvolver servizos de atención domiciliaria.
- V. Que ante o interese coincidente, as dúas partes acordan formalizar e asinar este convenio de colaboración que se axustará ás seguintes:

CLÁUSULAS

PRIMEIRA. FUNDAMENTO LEGAL

O artigo 22.2 c) da LXS, (artigo 19.4 c) LSG) establece que poderán concederse de forma directa aquelas outras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

Documento asinado electronicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

A dificultade da súa convocatoria pública ven motivada polo seu carácter excepcional de actualización das anualidades, así como a súa inclusión en exercicios anteriores como subvención nominativa.

SEGUNDA. OBXECTO E PERÍODO DE VIXENCIA DO CONVENIO

O presente convenio ten por obxecto establecer as bases de colaboración para a concesión dunha subvención directa por parte do Concello de Betanzos á "Asociación Pro Enfermos Mentales de La Coruña" (APEM), para o financiamento do seu funcionamento e da actividade efectuada pola asociación durante o ano 2023, sendo ésta a "atención integral ás persoas con enfermidade mental". Serán subvencionables aqueles gastos que de xeito indubidable respondan á natureza da actividade subvencionada, resulten estritamente necesarios e se realicen no prazo establecido nestas bases reguladoras. Tendo en conta que en ningún caso serán subvencionables os seguintes gastos:

- Os intereses debedores de contas bancarias.
- Intereses, recargas e sancións administrativas e penais.
- Os gastos de procedementos xudiciais.

«A ATENCIÓN INTEGRAL ÁS PERSOAS CON ENFERMIDADE MENTAL

Éste é o obxectivo prioritario da "Asociación Pro Enfermos Mentales de La Coruña" (APEM), o que se canaliza a través da prestación dos seguintes servizos:

- Servizo de información e orientación, asesorando ás familias das persoas afectadas ao respecto da súa específica situación xurídica, social e laboral.
- Centros de rehabilitación psicosocial e laboral, dirixidos a persoas que padecen un trastorno mental severo e persistente, co obxectivo de lograr a súa integración.
- Programa PAIEM, para dar resposta ás necesidades en materia de saúde mental da poboación interna en centros penitenciarios.
- Programa de vivenda alternativa, con tres servizos diferenciados: Pisos protexidos, Vivenda de transición e Unidade residencial.
- Atención a domicilio, como alternativa aos centros que xestiona a Asociación. Este servizo préstase tanto no ámbito urbano como no rural.
- Formación e inserción-emprego, para que os usuarios adquiran as ferramentas básicas para a súa inserción no mercado laboral. Destaca a iniciativa "Emprego social S.L." (recoñecida como Centro Especial de Emprego).
- Sensibilización social, para dar a coñecer a problemática da enfermidade mental e ofrecer unha imaxe positiva das persoas que a padecen.
- Atención ás familias, a través da psicoeducación de familias e a facilitando o acceso aos profesionais de referencia.»

O período de vixencia do presente convenio abrangue dende o 1 de xaneiro ata o 30 de decembro de 2024 (último día hábil do ano), aínda que o obxecto da subvención refírase a gastos correspondentes ao exercicio 2023.


TERCEIRA. CRÉDITO ORZAMENTARIO

O Concello de Betanzos comprométese a destinar a cantidade máxima de 3.500,00 euros no orzamento do ano 2023, prorrogado ao 2024, con cargo á aplicación orzamentaria 231.489.00. A dita cantidade debe destinarse única e exclusivamente ao financiamento dos gastos que orixine a realización das actividades sinaladas na cláusula segunda deste Convenio.

CUARTA. GASTOS SUBVENCIONABLES

Serán subvencionables os gastos derivados do desenvolvemento da antedita actividade, ata un máximo de 3.500,00 euros, realizadas dende o 1 de xaneiro até o 31 de decembro de 2023.

Documento asinado electronicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

Terá a consideración de gasto realizado o que foi efectivamente pagado con anterioridade á finalización do período de xustificación.

Establécese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.

QUINTA. DOCUMENTACIÓN

Para a plena efectividade do presente convenio, deberá achegarse a seguinte documentación:

- Acreditación da personalidade do beneficiario mediante a presentación da fotocopia cotexada do CIF da entidade.
- Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.
- Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.
- Declaración xurada de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. Non obstante, mediante a firma do presente convenio a "Asociación Pro Enfermos Mentales de La Coruña" (APEM) autoriza ao Concello de Betanzos a realizar as comprobacións oportunas ante as citadas administracións, de estar ao corrente das obrigas tributarias e coa Seguridade Social.
- Declaración responsable de non estar incurso a entidade en ningunha das causas que determina o art. 13.2 da LXS (art. 10.2 LSG).
- Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

En todo caso, a devandita documentación deberá constar no momento da sinatura do presente convenio.

SEXTA. OBRIGAS DO BENEFICIARIO


Son obrigas do beneficiario:

- Haber levado a cabo a totalidade das actividades que se establecen na memoria presentada ao efecto da obtención desta subvención (ao ser con efectos retroactivos para as actividades do ano 2023).
- Lucir o logotipo do Concello de Betanzos e facer constar a cooperación do concello en todas as actuacións que se desenvolvan ao abeiro deste convenio.
- A "Asociación Pro Enfermos Mentales de La Coruña" (APEM) asume as obrigas derivadas da promoción e dinamización das actividades.
- Cumprir coas obrigas que se establecen nas bases de execución do orzamento do Concello de Betanzos.

SÉTIMA. XUSTIFICACIÓN E PAGAMENTO

O pagamento do importe total do convenio farase no momento no que se xustifique debidamente o cumprimento total da finalidade do presente convenio.

Documento asinado electronicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

O pagamento da subvención efectuarase mediante o ingreso na conta bancaria sinalada para o efecto polo beneficiario.

O beneficiario deberá presentar a conta xustificativa como máximo no prazo de tres meses dende que se firme o convenio.

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total do convenio verase reducido proporcionalmente o importe a percibir.

Para a xustificación das cantidades asignadas neste convenio, deberá presentarse a seguinte documentación:

- Memoria explicativa e detallada das actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades. Acreditación gráfica do cumprimento de facer constar a colaboración do Concello de Betanzos en toda a información que se faga das actividades subvencionadas (folletos, carteis, libros, vídeos, CD's, etc).
- Declaración xurada que acredite o cumprimento da finalidade da subvención mediante a realización das actividades para as que se concedeu a subvención.
- Declaración xurada que acredite que non se obtivo ningunha outra subvención ou axuda para a mesma finalidade, ou, polo contrario, onde conste unha relación detallada doutras subvencións ou axudas concedidas para a mesma finalidade.
- Orixinal ou fotocopia compulsada ou cotexada das facturas representativas dos gastos realizados. As facturas deberán cumprir os requisitos esixidos polo Real decreto 1619/2012, do 30 de novembro, polo que se aproba o regulamento polo que se regulan as obrigas de facturación.
No caso de que a realización das actividades obxecto da subvención xeren gastos de persoal, xustificaranse mediante nómina, factura ou documento equivalente (orixinais ou fotocopias cotexadas).
Así como xuntar a xustificación do pagamento dos devanditos gastos.
- Declaración xurada ou certificacións (artigo 24 Real decreto 887/2006, do 21 de xullo, polo que se aproba o regulamento da Lei 38/2003 xeral de subvencións; en diante RLXS) de que a entidade está ao corrente das súas obrigas tributarias en xeral (Estado e Comunidade Autónoma), e en concreto, co Concello de Betanzos, e coa Seguridade Social, e que non é debedor por resolución de procedencia de reintegro. No caso de que se autorice ao Concello, éste efectuará esta comprobación de oficio.

De non presentar a xustificación no prazo establecido, ou non desistir de forma motivada e por escrito no mesmo prazo, incoarase expediente de anulación do correspondente compromiso que levará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.


Mediante acordo do órgano competente acreditarase o cumprimento da finalidade, que constitúe o obxecto do presente convenio, procedéndose á aprobación da conta xustificativa presentada polo beneficiario. Todo isto, sempre e cando a documentación xustificativa fose a correcta.

OITAVA. MODIFICACIÓN

Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla neste convenio.

NOVENA. CAUSAS DE RESOLUCIÓN

Documento asinado electronicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011

betanzos.net
<https://sede.betanzos.es>
correo@betanzos.net

Serán causas de resolución deste convenio:

- O incumprimento de calquera das cláusulas establecidas no presente convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

DÉCIMA. COMISIÓN SEGUIMIENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre do mesmo. Esta Comisión estará composta en representación do Concello de Betanzos polo/a concelleiro/a delegado/a da área (quen poderá delegar no funcionario dese área que estime oportuno), e pola outra parte o representante legal da entidade ou persoa na que delegue.

A Comisión terá as seguintes funcións:

- 1.- Facer o seguimento e control do cumprimento do convenio.
- 2.- Interpretar e resolver as dúbidas, que se puideran suscitar na aplicación do convenio.

UNDÉCIMA. CONTROL FINANCEIRO, REINTEGRO DA SUBVENCIÓN E SANCIÓN

Consonte ao disposto nos artigos 44 e seg. da LXS e artigos 41 e seg. da LSG, a entidade beneficiaria poderá ser escolleita pola Intervención Municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

O reintegro da subvención procede e régúlase segundo o recollido nos artigos 37 e seg. da LXS (artigos 32 a 40 da LSG) e o artigo 11 da Ordenanza xeral de subvencións do Concello de Betanzos.

Con respecto ao réxime de infraccións e sancións, éste aparece regulado no título IV da LXS e LSG. Sendo o procedemento sancionador regulado no título IV do RLXS e título VI do "Decreto 11/2009, de 8 de xaneiro, polo que se aproba o Regulamento de la Ley 9/2007, de 13 de junio, de subvencións de Galicia." Sendo reguladas no artigo 13 a 18 da Ordenanza xeral de subvencións do Concello de Betanzos, as infraccións e sancións.

DUODÉCIMA. NATUREZA

O presente convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso-administrativa.

DÉCIMO TERCEIRA. INTERPRETACIÓN

Para a resolución de calquera dúbida ou incidencia que poida xurdir durante a execución do obxecto do convenio, aplicarase suplementariamente a LXS, o RLXS, a LSG e as Bases de execución do orzamento do Concello de Betanzos.

E en proba da súa conformidade asinan o presente convenio.

A Alcaldesa

A representante do ente beneficiario

Asdo.: María Barral Varela

Asdo.: Antonia Mª Eugenia Pérez Amieiro

Documento asinado electronicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).